

常昭合志

卷四

公署
鄉都

學校
坊巷

軍制

地 220.183

3411

392

4

公署

公署爲臨民聽政所體制攸關觀瞻是式崇侈卑陋皆非也漢制官寺鄉亭漏敗墻垣阨壞不治者不勝任先自劾國朝功令衙署在借支養廉修葺分年扣還所以體恤臣工端本吏治不致視爲傳舍矣或造或因既繪以圖並紀顛末其倉舍舖司養濟育嬰廣仁及常昭會館之在京者皆附列焉

縣署

常熟縣治在虞山東南一里梁大同六年設自唐以來皆仍其處宋治平間規制甚備元元貞二年縣升州仍舊治明太祖

常昭合志

卷之四

公署

一

吳元年就設州治洪武二年州復爲縣始增廣廨宇永樂初知縣柳敬中重建譙樓宣德九年主簿郭南署縣事新縣廳張洪記天順間知縣唐禮立儀門建道愛亭李棠記宏治二年縣廳火三年知縣祝獻重建十年知縣楊子器重建錢鈔庫設兩廊立六曹吏房及架閣庫縣宅內堂改名今雨軒錢仁夫記嘉靖四十三年知縣王叔杲葺治有思補堂記萬曆十一年縣宅火知縣沈夢斗重建二十六年知縣段然增置獄房三十三年知縣耿橋建喜雨亭三十六年知縣楊連修復一新

本朝康熙四十八年知縣章曾印修內堂乾隆九年知縣陳莫

纒重建大堂及兩廊吏房乾隆二十八年知縣敬華南重建署前學道名邦坊東西坊堂前過廳三間後書房前西房三間有碑記乾隆五十八年知縣王錦請動公項增建四堂五間大樓上下十四間後屋五間東花廳三進西幕屋三進川堂三所東西廂房六所共計五十餘間內外通體修葺宏整丞廳在縣治東偏舊有管糧水利二丞後裁一丞廳廢主簿廳舊亦在縣治東今移駐昭文境

典史署在縣治內西偏縣獄在典史署之南

黃泗浦巡檢司在縣西北黃泗浦港今寓田莊鎮

醫學在縣治西明宏治十年卽舊惠民藥局改建今廢

常昭合志

卷之四

八公署

一一

陰陽學明初在醫學右爲淫祠所侵宏治十年楊子器撤祠改建後移都憲行臺東南今廢

僧會司舊在慧日寺今無常處

道會司在致道觀

昭文縣治在常熟縣東北一里

本朝雍正二年析常熟縣地置縣卽海防同知舊署改建知縣勞必達記乾隆間知縣康基田建署前東西兩坊知縣王錦捐建東廳前後九楹知縣顧德昌署西置基建樓通體修葺主簿署本在常邑縣署東偏今圯借公所以居典史署在縣治內東偏獄在典史署南

白茆巡檢司在縣東北白茆港口舊隸常熟雍正二年析屬昭文乾隆間巡檢陳濤卽吳市公寓置地建署有碑記

常昭同轄急遞舖四額設舖司一名舖兵六名

總舖在常熟縣前州橋側 堰涇舖在縣南十里戴渡

潭蕩舖在縣南三十五里 吳塔舖在縣南四十里

接官亭在南門外臨運河

憲署

駐常昭城內

江蘇督糧巡道署在常熟文學里之西係明崇正間知縣楊鼎熙卽舊察院改建本書院遺址也康熙二十一年糧道劉鼎增建來青閣於後圃四十年糧道王縉建懷清堂四十二年

常昭合志

卷之四

八公署

三

糧道馬逸姿建東書房查道署明時本駐郡城後移松江府崇正初移常熟

國朝順治間原設分巡兵備道駐劄太倉康熙二年歸併常鎮道又將鎮江一府歸併江甯改爲分守蘇松常道移駐蘇州康熙六年裁省九年復設蘇松守道二十二年復行裁併歸蘇松糧道兼管其常州府守道事歸鎮江道兼管雍正二年陞太倉州爲直隸州仍設分巡松太道駐劄上海另設蘇松常鎮太糧道督理漕務駐劄常熟後兼蘇州一府巡道雍正

五年添設庫大使一員

署在書院街

蘇州府海防同知署舊在府治內東偏

國朝康熙初移駐常熟縣治東北一里雍正三年同知缺裁廳署改爲昭文縣治八年復設同知移駐福山城乾隆十二年署爲風潮所圯十七年移署城內二十年置民居於常熟西子游巷動帑千五百金建立廳署邑人邵齊燾有記

營署

福山營遊擊公署在福山城內明設指揮把總防江知縣楊漣創公廨今設遊擊駐守改建新署旁蓋營房

常昭城守守備公署在阜成門內卽舊巫公祠基

公署舊蹟

察院在文學里西初偏處縣東偏明宏治十一年知縣楊子器

常昭合志

卷之四

公署

四

遷今所卽舊公館射圃遺址

都憲行臺初在縣東南儒學西宣德九年知縣郭南卽宋舊館驛重建侍郎周忱駐節改稱學道書院宏治十一年知縣楊子器遷縣西山巷之左謝遷記萬曆四十六年火知縣張節重建

尙書行府在支塘鎮嘉靖元年工部尙書李充嗣來治白茆河卽瑞真道院改建堂曰體國後爲守院道士所據巡按御史吳體乾重葺治之鄧韞有記

鎮撫司在縣治東吳元年建

府公館初在文學里西宏治十一年與縣東之舊察院互易後

爲贈光祿寺少卿知縣王鈇宅

縣樓宋治平間建頗壯麗紹興二十一年郡守徐琛篆額乾道間趙善括易以林東篆左右各有亭左曰御筆手詔右曰寬恤事件明永樂初重建譙樓累石築土環其中爲門宏治中楊子器設銅壺滴漏於其上萬厯中趙國琦以形家言撤譙樓別建鼓樓於縣治之東南

琴堂在縣廳東北宋紹興中孔纘重修淳熙中劉穎改名學愛嘉熙初王爚重作改名道愛

寢室宋紹興四年曾棨作

君子堂其賦堂皆在縣廳北舊有之歲久圯宋慶元四年孫應

常昭合志

卷之四

八公署

五

時新之人於廳東創笑軒葺後圃爲亭曰友山西爲夾墻繚寢室後以通西偏爲亭於西北曰亭是亭之南卽其賦堂堂後累石爲山竹木蔭翳與君子堂通嘉泰二年何充重修簾晝軒在縣廳隔舍南宋嘉定初葉愷建寶慶二年惠疇於軒之後圃作景言閣

東圃有讀書堂宋紹定四年史彌厚建戴衍名之淳祐十年別治西圃移堂於中亭曰直節

平易堂夷白堂喜懼堂皆元所構

丞廳在縣治東宋淳熙元年張孝伯重建廳事其燕坐曰涉筆軒篤素軒

簿廳在縣治西宋淳熙間蕭達重修廳事有燕坐曰愛蓮靜暉
寄隱淳祐十一年唐世中復新其堂榜曰均政

尉廳在縣治北二里鄰順民倉宋紹興中趙笈夫所創廳事後
小閣曰樂山山西諸峯屏列几案間改曰挹翠後爲隣居障
蔽無復曩時之勝易曰斗堂北有小圃圃有亭二曰藏春野
趣歲久湮蕪淳祐八年周介夫葺而新之爲軒於廳之西偏
曰梅隱臨流築亭於其後曰濯纓

水利主簿廳在縣治西牆外今廢

福山港巡檢司在福山間上洪武元年設今裁

本朝許浦巡檢司在縣東北七十里許浦鎮洪武元年設雍正

常昭合志

卷之四

八公署

六

四年裁

倉驛附

宋國用庫在縣中門西廡

省庫在縣廳左

苗倉庫在縣廳右

軍糧庫在縣治西南

醋庫在縣治東北今有醋庫橋

戶部贍軍塘河陽原墊支塘四酒坊

本府梅李尙墅徐鳳塗松陸河五酒坊

馬軍司莫城五林二酒坊

宣鳳樓在縣治西濱盧志作熙間曾築
盧志作慎誤建紹熙盧志作興誤

常昭合志卷之四倉驛七

四年葉知幾更日慶豐燕喜樓在縣治東旨清樓在縣西北

春風樓在縣東迎恩橋南賞心亭在縣西皆權酷之所

酒稅務在縣治東北坊橋

市易務在尉廨西南今有稅務巷

宋順民倉在縣治北治平二年知縣向宗旦建郎淑記嘉熙元

年知縣王燾益地增創元重建名際留倉明初廢宣德七年

改爲濟農倉

常平倉在順民倉北廡

義役倉嘉熙元年知縣王燾建後廢明宣德九年知縣郭南建

於濟農倉北張洪記

琴川驛舊名南亭在承流門內今名翼京門宋嘉熙元年王燾重修

榜揭是名明宣德九年改爲都憲行臺

縣東驛在迎春門內

北門驛在介福門內今名鎮海門

湖橋舖在縣西十里宋設

官瀆舖在縣西六十里宋設

常熟養濟院在縣治西南三圖報本道院前

昭文養濟院在縣治西北二圖通江橋畔

計常昭兩縣各額設小甲十二名在管孤貧各一百六十九

名每年柴布銀常邑二百一十八兩五錢八分九釐閏月加銀五兩二錢八分八釐昭邑二百一十五兩

常昭合志 卷之四 倉驛 八

五錢三分六釐閏月加銀五兩二錢一分九釐口糧額米各四百八十三石六斗七

升八合遇閏增額米各四十八石四升二合

育嬰堂

附

常昭育嬰堂在城內昭文縣境方塔寺街琴川課院之右乾隆十三年兩邑詳准常昭育嬰堂歸併一所卽今處是也初常邑嬰堂舊在南市乾隆癸亥邑人捐金購地於南門外豐樂橋之西而復建焉越六年戊辰而常昭之嬰堂始合先是乾隆十年知縣陳公莫纒詳撥青屏沙田三千八百畝糧道程公光鉅復提唱於上相率捐資於是經費漸充規條詳密縉紳爲監堂衿士爲董事費歸實用慈幼恤孤著有成績自此多歷年所始有市僧謀充盤踞僞託鄉耆呈請改歸海防廳同知經理廳官駐蘇日多鞭長不及得於其中侵尅營私增

常昭合志

卷之四

嬰堂

九

置瘠產勾結衙蠹縉紳無從過問堂政坐是日弊沃膏盡而苦窳生原撥沙田又連年坍損兩邑殷戶視充董事爲畏途百計營逸一經接手賠墊不訾其人又率多不諳外事者上下胥吏案牘苛求無所底止乾隆五十五年知府稔知其情飭縣集紳公議經邑人言如泗陳士林等呈請改歸兩縣專管以省董事趨走防廳往來跋涉之煩又大集兩邑殷戶籌議將來善後事宜僉曰此闔邑公事也苦樂應均奚堪獨累踴躍解囊共哀錢三千二百千文白於縣發典生息以助堂中田畝歉歲不足之需其支錢之法典業各立支利經摺存於縣庫由原辦邑紳出具支票董事向典支取官紳與董事

三面牽制動利不動本不入報銷此項鉅貲可以永垂久遠不虞侵廢勒石在堂中五十五年之冬孫公士毅總督兩江以嬰堂董事廉知有賠累之苦自乾隆五十六年官爲經理毋庸設立司事誠可以洞悉民情矣其實堂中向有田租及本利息自五十五年一載以來確查應乳棄嬰不過八十餘口田租不聽奸佃冒熟作荒核計出入亦不致有虧以五十五年各殷戶所捐本項之息備用於災祲之年即使官爲經理亦不患堂費之支絀矣所有堂中現在屋宇田租優免船及各典存本各項悉開於左以備稽考云

屋宇項下

常昭合志

卷之四

嬰堂

十一

東至琴川課院 西至塔寺小院 南至方塔街 北至後塔浜 照牆一座 大門五間 寨門一座 正廳三間 東藥房一間 西食廳兩間 板房一間 東西兩廂共六間 慈雲閣樓房上下六間 後寨門一座通乳房六十間 後門門房兩間 東首大嬰所廳三間 西首廚房三間 書樓上下六間 後書樓三間 倉廩四間 坑廁咸具

以上共計房屋大小一百五間外披屋三間走廊一條歷年粘補乾隆五十五年通體大修完整

田畝項下

一般案官田坐落香界涇次號二斗三升糧田一頃七畝
二分六釐額租米九十二石六升八合

一常邑官田聖衣籍施隨丁冬宙隸端等號不等科則田
二頃四十四畝五分七釐一毫額麥七石三斗荳五石
三升錢一十千九百八十文米一百七十三石九斗

一昭邑官田位有正伊積璧羊欽器羔寫等號不等科則
田四頃三十八畝七分五釐額麥二石一斗六升荳五
石四斗錢二十千四百八十六文米三百五十一石五
斗五合

一天福沙田六頃七畝二分四釐五毫夏額六十石七斗

常昭合志 卷之四 嬰堂 十一

二升四合五勺每畝一斗折價錢九十文共計錢五十
四千六百五十二文秋額二百七十三石二斗六升二
勺每畝四斗五升每斗折價錢一百三十文共計錢三
百五十五千二百三十八文又草價錢六十千文

優免船項下每年繳堂七折四底錢二百兩 近年錢價日賤
店家發船戶及

堂費繳官議增七
折制錢為足串

存本項下

常典楊恒發等四典昭典朱協和等四典其存本錢七三
四底錢八百兩每月一分五釐起息每年該利七三四
底錢一百四十兩遇閏加十二兩

五十五年八月初一日兩邑殷戶捐通足錢三千二百千
文常典戴通裕等四典昭典汪春和等五典每典各領
本三百五十五千五百五十五文共各典領通足錢三
千二百千文每月一支息遇閏加增一月立有付利
經摺並有常昭兩縣給言陳等宦印照執據有案

義局附

廣仁局在城內常熟縣城隍廟之右以爲施藥施棺之所邑紳士相與推廣

皇仁而特設者也前臨西門大街屋凡四層計大門一間左首門房一間第二層正屋一間內供漢太守張仲景像左首連並屋一間第三層正屋三間內供神農像左廂廊一帶衡一條第四層後樓三楹左旁廂屋一間始自康熙三十二年丁澁等設局於慧日寺前至今猶存取賃息以資局費康熙六十一年因舊局湫隘乃捐募置局於茲雍正元年焮善又捐資改造立今名設監局與司事紳衿分任之每年六月七月

常昭合志

卷之四

義局

三

製合丸散以療病者清明月及十月節司事督率土工人等分往城鄉收埋露棺於義冢平時備棺槨以施貧不能殮者歲以爲常乾隆二年安慶按察使前蘇松糧道劉公柏奏撥入官田地經費始有資乾隆二十年歲祲繼之以疫局費不能充故知州屈成霖捐厚資以完善舉嗣是故博士言如洙經理年載爲獨多徽人貿易於虞者旅櫬不克卽歸公設待葬所於南門之西莊其費皆徽人經理其事則本局兼綜之所有本局田畝屋租開列于左

租息田數

常熟縣

豐一場四十四都八圖甘號三斗二升田三畝八分五釐實

辦米三石四斗八升外免三斗七升一合十一圖去號三斗二升

田五十一畝四釐五毫實辦米四十六石六斗五升六合

外免二斗二升

豐三場四十五都四圖崑號三斗二升田五分外二畝五分四釐作義冢

實辦米三斗又弁號三斗二升田三畝四分外四分七釐二毫作義冢

實辦米一石八斗外免一斗

南一場四都一圖伊號一斗九升田二十三畝實辦米十一

石五斗五都二圖運號一斗九升田四十二畝六分內多

二舊號一斗九升田十七畝一分八釐四毫其實辦米四

常昭合志 卷之四 義局

十四

十八石一斗三升外免五斗八升

南二場四十三都九圖端號三斗二升田十六畝五分實辦

米十八石二斗七升外免二斗八升

南三場四十三都二十八圖盛號三斗二升田三十畝五分

五釐五毫實辦米三十一石九斗二升六合外免六斗五升二合

豐二場四十四都三十半圖男號二斗三升田三畝七分五

釐原實辦米三石六斗九升五合因荒灘今改收柴租錢

一二兩二錢

南一場二都十二圖祇號三斗二升田十九畝八分實辦米

十九石七斗五升外免五升免號三斗二升田八分即係祇號內查分出

外少五分 實辦米八斗

昭文縣

東一場四十二都四十圖羊號三斗二升田十一畝五分五釐

實辦米十一石五斗五升 又四十四圖已號二斗三

升田三十三畝 內三斗二升田一畝四分四釐 實辦米二十二石一斗六

升 外免一斗 信號三斗二升田九畝六分實辦米四石四斗

又三十一都南一圖小並號一斗九升田八畝八分 內多二分

二釐五毫 原實辦米七石四升 照例折錢算 麥一石七斗六升

兩邑共田二百七十五畝九分三釐四毫 外除魏士昇名下已作義冢四畝三分

分三釐二毫照報銷册少田二分八釐四毫 米二百二十七石七斗六升二合

常昭合志

卷之四

義局

五

外有免米二石三斗五升三合照報銷册少米一升 另男號田租改柴租錢二兩二錢不在米數內

清嘉坊易田

豐一場四十四都十一圖益號三斗二升田七畝三分四釐

實辦租米七石七斗六升又詠號三斗二升田八畝三分

五釐實辦米八石九斗六升五合

南三場四十三都三十圖映號三斗二升田二畝實辦米二

石

三號共田十七畝六分九釐 田照報銷册多五毫 共米十八石七斗二

升五合

屈宦捐田

豐二場四十四都二十一圖退號三斗二升田十一畝七分

四釐實辦米十石六斗八合 又二十二圖意號三斗二

升田十畝五分實辦米十一石五斗五升 又二十三圖

移號三斗二升田七畝七分一釐實辦米八石一斗八升

四合

南三場四十三都三十圖映號三斗二升田五畝六分實辦

米五石一斗

南二場四十三都二十七圖聖號三斗二升田十一畝實辦

米十石七斗

常昭合志

卷之四

義局

夫

五號共田四十六畝五分五釐

照報銷册同

其米四十六石一斗

四升二合

米多五斗五合係復額米

廣仁局通共計田地三百四十畝一分七釐四毫實辦租米

二百九十二石六斗二升九合

外有免米一石八斗六升二合

麥租一石

七斗六升租錢二兩二錢

廣仁局戶

常昭

兩邑辦糧共計已米九十二石一斗一合無閏

實辦米四十七石七斗三升八合

廣仁局義冢戶辦計已米五石五斗四合無閏實辦米二石

八斗三升九合

寺前舊局屋市房每年收租價七折四底錢二十四兩

同善堂邑紳士設田收租爲年老惇獨廢疾孤嫠任卹之費
每人給一經摺月給米一斗五升鹽菜錢一百五十文無
常額以歲入爲贏縮每一經摺與之年限定一二三年不
等年滿則止有來告者核實按人登於簿籍缺出則補之
不經官吏不入報銷紳士中公正誠實者司其事又南門
外遜步橋高邱上屈氏景州知州成霖畢節縣知縣曾發
父子建立安濟堂爲屋一百六間計費四千金輸熟田一
千畝收養年老男婦之鰥寡孤獨設監堂醫士等七人經
理出入悉有規條申詳勒石本家自司其事亦不在官報
銷勒石在堂可攷又西鄉義莊坐落田莊理問楊岱承父
梁同書王文治葉佩蓀有碑記

京師常昭會館在宣武門外

俗呼順成門

爛麪衚衕街西面東計

正屋三重旁屋兩重創始於邑人工部尙書歸宣光醮金
置買凡鄉會試及候補候選者皆得寓其中遇試期則候
補候選者遷讓新得官及陞擢者各捐貲以爲修葺費限
之以數邑人之官於京者輪年司其事先是邑人宗人府
主事顧鎮集資置會館於盆兒衚衕以偏於西隅出入紆
遠歸尙書易置今所將舊會館變價充費會館雖在京而

爲同里公所附之

常昭合志

卷之四

義局

六

學校

邑之學始於宋官於斯產於斯者修建非一豈以言游氏之鄉為東南之鄒魯尤不可以不講耶邑之人材肇自宋元至明而稱盛中葉以後英彥接踵入我

朝而大盛非崇學尊師之效歟惟是昔者聚生徒於學中斷斷不輟近世以來士多散處是以城鄉多有書院之設亦所以推廣學校教人之意且俾綺歲童年未登庠序者亦得執經問業焉令志中學校之外書院皆得附書師生膏火所出悉著之以為考覈云

常熟儒學為中學雍正二年析置昭文縣為常熟昭文二縣學

常昭合志

卷之四

學校

五

地在常邑境內東南五圖俗名學前街前臨琴水

王志河東西俱通潮

朝夕到學前

興賢橋之西跨塘橋之東琴水自西南趨東達於學

前而出小東門之水門廟學後有玉帶河環遶而南達於琴河河之南岸樹屏牆其地隸昭文設學之始在趙宋至和間舊有屋梁紀年蓋宋仁宗時云迄今修建不替悉列如左前明以上典章明教諭李維柱邑繆人肇祖儒學志可考基地計二十一畝六分對河照牆基地在外

常昭兩學師生員額常熟教諭一員昭文訓導一員學政歲科兩試按臨崑山試院集諸生而等第之兩學廩生共二十名增生共二十名附學生員不限額每試取人文生常熟十三

名昭文十二名武生歲科併試常熟取八名昭文取七名文武撥府學無定額四年一歲貢兩學更互薦名不相逾越拔貢生向係六年一次新例十二年一次常熟總拔一名惟乾隆三十年恭逢

南巡特恩常昭各拔貢一名後不爲例優貢於通省所報優生內學政三年屆滿遴選二三名保舉盜缺無濫恩貢有二途其在各學恭遇

恩詔以應貢廩生充選本邑先賢言氏後人遇
臨雍

幸魯大典陪祀觀禮由諸生貢入成均一體就職就教康熙六
十一年

常昭合志

卷之四

學校

三

恩詔直省增廣學額一次大學加取七名中學五名小學三名
雍正十三年

恩詔同前乾隆十六年

聖駕南巡加廣學額分別大中小學五名四名三名各有差乾隆二十七年三十年四十一年四十五年四十九年

恩詔同前

先師廟舊名大成殿昉於趙宋至和端平二年知縣王爚改建魏了翁記元皇慶時邑人楊伯麟修監郡閣復記至大時知縣韓居仁修樵李唐永涯記至正時知州盧鎮脩天台陳基

記明宣德年縣丞李子廉脩大學士楊榮記正統時知縣郭南修教諭趙永言記成化時知縣甘澤修武功伯徐有貞記宏治時巡按劉廷瓚修邑人李傑記知縣楊子器修吏部楊守陟記嘉靖九年改稱先師廟易像以主三十三年縣丞鈕緯修知縣王鈇記三十七年巡按尙維持修邑人瞿景淳沈應魁記萬曆丙申西舍火知縣何節重建己酉知縣楊蓮修入

國朝康熙十八年糧道劉鼎知縣林象祖修乾隆七年糧道李學裕重建櫺星門二十八年邑紳士集費大加修建用錢四千緡有奇邑人屈成霖與子曾發言如洙等董其役學政李

常昭合志

卷之四

學校

三

因培記四十二年紳士議以廟前短垣木柵偪塞阻礙申請悉撤去之以復其舊原案勒石四十六年六月海風大作撓折棟宇紳士裒費通體葺治言如泗有碑記五十年教諭汪正宗與邑人言朝楫陶廷埴等又修嘉慶初元重修大成殿計正殿五間重簷四起崇煥宏敞中懸

聖祖御書萬世師表額

世宗御書生民未有額

高宗御書與天地參額

今上御書聖集大成額並懸

御製對聯二增設重墀石闌春秋丁祭常昭兩學輪值

崇聖祠在文廟東嘉靖時建宋始封孔子之父元時祠名啟聖國朝雍正初元加封五代王爵并及四配宋六子之父額曰崇聖計正殿三楹二門三楹乾隆間重修嘉慶二年祠西蠹書佔地建屋在西簷下私開後門兩縣丁祭勘明立飭堵塞脩理正門平日封閉

吳公祠在崇聖祠南稍西俗稱小學別於大學也正殿三楹奉先賢言子神像兩廡范仲淹張洪言信吳訥徐恪周末二門三楹大門三楹面河臨街建石坊表曰言子專祠趙宋慶元三年知縣孫應時初建於明倫堂東新安朱子有記記重勒於元再勒於明開禧三年知縣葉凱修寶慶間移建文廟東

常昭合志

卷之四

學校

三

端平二年知縣王爚移建文廟後魏了翁記原碑樹大成門東并建象賢齋於東專設訓導一員教育言氏子孫中書舍人袁甫記原碑樹大成門西明天順三年知縣唐禮修大學士李賢記成化二十二年巡按胡漢以賢祠隘陋命知縣祝獻教諭張景元復移文廟東大學士楊一清記

國朝康熙間

聖祖仁皇帝南巡御書文開吳會額乾隆十六年

聖駕南巡御書道啟東南額懸祠兩奉

御製祭文恭摹勒石乾隆二十八年賢裔博士如洙督修三十七年如洙如泗重建五十九年又修春秋二丁印官主祭不

委縣貳學政張元臣有記祠宇入兩學交代印冊部額設奉祀生六缺專祠林墓文學書院故宅家廟習禮堂

名宦祠在大成門東偏祀劉宋縣令何子平唐縣尉張旭宋知縣孫應時王燾元知州孔文貞盧克治明知縣李彰柳敬中

王綸楊子器秦禮王鈇黃嘉賓楊漣教諭劉文詔訓導于之

鏞明史明常熟縣惟列郭南為循吏而名宦祠中未設主應補

國朝知縣于宗堯林象祖總督于成龍傅臘塔總漕郎廷極巡

撫宋犖布政使劉鼎驛鹽道蔡琦提學邵嗣堯許汝霖張泰

交張榕端張元臣余正健糧守道史起賢遲日震知府陳鵬

年同知高鈐昭文縣前志陳祖范曰林公象祖而上止祀本邑縣令尉及教諭等前代如周文襄忱况知府

常昭合志 卷之四

學校

三

鍾未嘗祀於下邑卽任兵備環於邑有捍衛大患之功別立專祠未嘗合食於名宦祠也總督巡撫似宜祀之省會督學似宜祀於按臨之所歌功報德俎豆固有同心定分正名體統無容褻越釐正祀典請備採擇

鄉賢祠在大成門西偏祀商巫咸巫賢宋周容陸綰翟汝文錢

觀復錢侯錢佃冷世光崔敦詩周虎王萬邱岳陳元大王堅

王安節元褚不華褚伴哥明黃鉞張洪衛浩吳訥魚侃程式

鄧彥章張懋章格程宗楊集桑瑾陳易李傑徐恪沈海瞿俊

陳喆周木王宗錫時中盧翊陳播王槐蔣欽唐天恩丁仁陳

察張文麟鄒武丁奉陳寰鄧鞅王舜漁陳迨張文鳳錢泮巖

訥瞿景淳邵圭潔陸一鳳查光述陳瓚嚴澂瞿汝稷王嘉言

蔣以忠趙用賢陳國華王之麟陳禹謨翁憲祥陸重科徐待

聘朱懋中顧大章龔立本魏浣初許士柔王夢鼎王夢鼐楊夔孫永祚趙士春蔣棻歸起先錢永達項志靈

國朝錢朝鼎王曰俞王澧李臨蔣伊周慶曾翁叔元歸允肅汪

惟時汪錫爵席啟寓程雲蛟嚴虞惇歸宗敬蔣廷錫蔣溥

龔志

曰鄉賢去留無常知縣楊子器歷稽當祀者祀商相巫咸於西夾室而宋陸縮錢觀復錢佃周容冷世光崔敦詩周虎邱岳陳元大錢俟列吳公祠西壁張洪吳訥列吳公祠東壁其并入今祠未詳所始益以咸子賢及瞿汝文王萬黃鉞凡十七人而御史章圭且不與焉嚴可知矣嘉靖中巫公父子立專祠而周孝子容遂首列後有魚侃程式諸公三十七人相繼在列將後賢之濟濟迥倍前賢耶抑前賢之子姓所為表章先烈者曾不若後之切耶有識者所宜參觀也

按先賢言子配享廟廷又有專廟不列鄉賢况商相巫公在孔子千載以上豈得旁附龔志云巫公立專祠而周孝子容遂首列可知前人早見及此矣

常昭合志

卷之四

學校

十四

明倫堂在文廟西堂之大門外沿河有泮宮坊以內為泮池架

以石梁池東北為土地祠次為禮門三間中樹塞門堂中次

第懸科第各題名額東西號舍二十間為諸生肄業所東博

文齋西約禮齋墀下有碑亭翼左右舊尚有二井亭井存亭

廢淳熙十年知縣曾棨增葺建堂曰進學紹興五年知縣葉

知幾改今額朱文公書立九齋曰崇德時習好謀朋來利仁

隆禮育英守卓隆德尋又改四齋為尚志尚德尚賢尚文開

禧三年知縣葉凱修端平二年知縣王燭倣郡庠制重建東

為廟西為學扁其堂曰明德六齋曰志道據德依仁游藝以

館士稽古

儲祭服祭器官書

象賢

為小學教言氏子孫

總百二十楹元元貞二

年升州學至元皇慶間邑人楊伯麟曹南京輪貲修整後至元二十二年知州盧鎮修洪武二年復爲縣學宣德九年教諭羅汝寬縣丞李子廉主簿郭南重修正統元年南知縣事建石梁於泮池上復拓明倫堂基重新之二年知府况鍾修兩齋成化二年知縣甘澤建禮門三楹徐有貞記宏治間知縣黃慶祝獻相繼增建東西號舍八年巡按御史劉廷瓚修學士李傑記十三年知縣楊子器重修楊守陟記嘉靖三十四年縣丞鈕緯修知縣王鈇記三十七年巡按御史尙維持重修瞿景淳沈應魁記萬曆二十四年西舍火知縣何節教諭許成器重建兩廊號舍

常昭合志

卷之四

學校

三

國朝順治二年提學僉事張能鱗自爲記康熙二十五年知縣楊振藻教諭程孟訓導張銓重建明倫堂乾隆二十八年邑人屈成霖言如洙等大修學先是東西號舍學役佔踞給費

遷移堂始整飭

乾隆五十八年紳士重建禮門

尊經閣在明倫堂後明正統六年知縣郭南建教諭趙永言縣丞陳澄佐成之以藏頒降諸書吳文恪訥記閣下爲南華堂取朱子子游祠記所謂南方之學得其精華也成化時知縣甘澤脩宏治時知縣祝獻修

國朝康熙四十四年邑人蔣陳錫修乾隆間邑人錢飛鵬脩陳祖范記甲寅後牆圯紳士又修閣中藏書桑志記載頒降書

籍凡十有七種儒學志載續增圖籍五十二種虞山書院書籍知縣楊漣送貯者六十七種又學院史學遷備貯者十五種楊漣捐俸買貯及董率諸生義助收貯者一百九種

國朝頒學書籍俱入學官交代印冊歷年既久雨泄霉侵鼠嚙蠹蝕者多矣

教諭署木在明倫堂東已廢歷來寓居尊經閣下乾隆癸未乙巳邑人脩學節次重建大門講堂東書室西首內房三進計其若干間以復舊制

訓導署舊有二所一從約禮齋右入一在禮門外從泮池西入久廢別從塞門西進內有在茲堂西嚙堂舊養賢堂之前屋

常昭合志

卷之四

學校

三

爲棲止乾隆辛丑修學添建講堂三間自此兩學會課寅賓始各有其地

萬仞宮牆在廟學隔河面北隸昭文境元至元十九年知州盧鎮築隄樹牆高七尺修三十丈東西有火術爲界天台陳基有記教授干德潛訓導言福孫衛鎬立石後碑存地削明萬歷間署丞徐育德輸地築牆列學志旋廢

國朝康熙四年里人孫德基又輸地重築列府志東西爲廟學各樹屏牆中錯民房七家隄岸凸出水不滌抱乾隆壬子邑人捐置民房基地歸學統築一牆南岸濬展觀瞻宏廠仍額曰萬仞計牆高一丈八尺隄岸高九尺牆岸基址南北二丈

五尺東西十八丈四尺合之原基尙缺十一丈六尺清理東西兩火術勒石公記另學之北岸崇聖祠東首火術牒縣飭查民佔清出俱載入儒學交代印冊

乾隆甲寅紳士重濬玉帶河前後水繞

舊蹟

附

六先生祠在聖廟東北宋知縣王燾建祀濂溪橫渠明道伊川晦菴南軒范文正胡安定王知縣燾三公祠在學門西又有杏壇在聖廟大成門東宏治十一年建會饌堂在尊經閣西教諭黃體勤記碑亭三座在尊經閣後奎文閣在崇聖祠右興賢育俊兩坊在街東西神厨學倉射圃號舍今皆廢

祭器庫在大成門右其器皆範銅爲之元至順大德間邑人曹

常昭合志

卷之四

學校

三

善誠製本爲文學書院設卽今言子虞山書院也先是書院爲明逆閹廢設祭器悉歸儒學亦有散之郡學者今言子書院猶存銅爵三皆元人曹善誠舊製也

樂器明洪武間頒大成樂於各學宏治間知縣楊子器遵造只存編鐘十二餘皆知縣楊漣修復

國朝康熙五十五年頒中和韶學於直省文廟近奉更撰雅樂樂舞生皆有定額乾隆三年副使姚孔鈞增修

碑刻陳志載統計六十五座後有增立者惟在官去思碑近奉文撤毀數減於前矣臥碑在明倫堂東北天文地理圖二碑在禮門兩旁宋碑則有魏了翁廟學記袁甫教育言氏諸孫

記樹立於大成門側元碑則有趙孟頫書盧知州生祠記天台陳基撰書修學記明張洪題跋朱文公撰丹陽公祠堂記吳訥撰尊經閣記皆名筆也

學田設立莫盛於宋景祐每一處立學則賜田若干頃常熟學田多有好義者助入宋時學田無可攷元至順初邑人曹善誠助置田若干畝山地若干畝黃潛有記明代撥助次第不得其詳僅以前志所載萬曆二十七年教諭李維柱清釐頃畝列於左

撫按學田二頃六十三畝六分四釐一毫

關部學田一頃二畝九分八釐四毫

常昭合志

卷之四

學校

五

儒學田四頃四十四畝七分四毫

社學田四頃五十七畝七分八毫

祭器田八十二畝七分三釐

已上田租歲久亦多蕪廢

國朝康熙五十九年布政使楊伯麟核實在田一十二頃九分屬教諭訓導司出納雍正三年析存常熟學田四頃一十八畝六分二毫析存昭文學田七頃八十二畝二分九釐八毫

常熟學田地畝坐落及開銷各項細數

一石岸田一頃三十二畝三分八釐

一潭蕩田二頃三分五毫

一練蕩田四十畝二分三釐

一李家橋田二十九畝七分六釐

每年收租數

一完條銀三十九兩八錢五分九釐

一完漕米六十九石一斗九升四合

一解學餉銀一十九兩一錢三分六釐隨正五分耗五錢九分七釐

一給廩生學租銀一十七兩

一給卜子分祠春秋祭銀二兩一錢三分六釐

常昭合志

卷之四

學校

五

又本學開銷會文公費米四十石

社師米二十石

貧生米二十石

禮生酬勞米三十石

津貼丁祭不敷半價銀五兩

忠孝節孝兩總祠津貼祭費米六石

餘租爲廟學修葺之費

昭文學田地畝坐落及開銷各項細數

一錢家倉田一頃二十七畝七釐

一沈塔涇田七十八畝九分一釐七毫

一方浜田二十一畝九分五釐

一塘橋田二十畝八分九釐

一小河壩田一頃四畝六分八釐

一李家橋田一頃十九畝八分二釐五毫

一馬縷田九十七畝五分五釐

一火爐圩田七十二畝六分五釐

一嶽廟田一頃三十八畝四分一釐

每年收租數

一完條銀六十五兩一錢三分九釐

一完漕米一百四石六斗四升九合

常昭合志

卷之四

學校

三

一解學餉銀四十六兩八錢三分零隨正五分耗三兩三

錢四分二釐

一給廩生學租銀一十七兩

一給卜子分祠春秋祭銀二兩一錢三分六釐

又本學開銷會文公費米四十石

社師米二十石

貧生米二十石

禮生酬勞米十七石

津貼丁祭不敷半價銀五兩

忠孝節孝兩總祠津貼祭費米六石

餘租爲廟學修葺之費

常昭兩學按年輪管田數

崇聖祠香火田坐落廟橋一十八畝零

祭器田坐落黃土山三十四畝九分五釐坐落火爐圩五

十畝

常昭合志

卷之四

學校

三

書院附

游文書院爲常昭兩邑課士之所邑人汪應銓所題名也在城內虞山之麓常熟縣治西北半里許地名石梅左側爲梁昭明太子讀書臺康熙五十九年合邑紳士用價一千二百二十兩向原任糧道劉公殿邦之子劉素中契買躡雲山房一所並山地各屋又邑人王序東等捐助山地爲頭門甬道建爲士子會文之所經始其事者世襲博士言德堅及編修陶貞一等十四人也印契議據皆炳然可攷焉雍正間糧道楊公本植捐銀五百兩爲葺屋課士之資乾隆二年糧道姚公孔鈞延師課士文風丕振八年知府雅爾哈善公重修十一

常昭合志

卷之四

書院

三

年糧道程公光鉅於院後山之石壁稍平處作亭曰卓爾著蒙泉銘四十一年合邑紳士請於縣將四十年紳士公捐本邑施粥餘錢一項修理並聲明紳士不諳工程則例請免造冊報銷以省案牘自督撫以下皆報曰可度其費猶不足各紳士又哀其私財以助工役原任襄陽府知府言如泗率先監視工作添建照牆講堂前塞門另建學山園門俾遊憩者可以自門行徑而達於桂花廳卽今俗呼爲四面廳也廳之南建丞相祠三楹其餘房屋皆修建一新庖湏器血罔弗具惟卓爾亭材木全廢高處山岑非肄業者所需未再重建陞任糧道蘇公凌阿有碑記脩費之外尙餘存足錢二百六十

千文存典生息爲歲脩四十七年合邑紳士因生童膏火不
敷公捐七折錢三千兩交存在城各典營運生息五十一年
各紳士又以書院肄業日增並議加院長修儀請於縣以五
十年歲歉紳士捐賑餘項錢八百千文有零又錢一百五十
千文有零歸併書院生息縣白於各上司准交典商營運五
十二年經巡撫閔公鶚元檄飭司道會議章程分別內外課
肄業生童申明董勸之法委常昭二學教職爲監院本邑紳
董佐理之由是書院規制粲然大備五十四年常熟縣給印
照於原經理之言陳陶等紳將書院本息錢文各數彙書於
上以爲執憑俾垂久遠所有屋宇田畝及存本現在書院者

常昭合志

卷之四

書院

三

開列於後

屋宇頂下

院基四址 東至城隍廟圍牆並徐姓墳 西至彌羅閣

南至聽松堂三官殿並山塘王氏墳 北至山頂外圍

牆爲界 頭門外照牆一座新 頭門三間重 二門三

間重 看守人平屋三間新 塞門外發圈兩座新 講

堂外三面圍廊十間 花塞門一間新 前講堂五間重

後講堂五間重 後講堂東西廂房六間重 廚房三

間重 學山圍門兩間新 自圍門起至桂花廳開築山

路一條 昭明太子讀書臺一座重 山輝川媚亭一座

重修 石亭一座重建 桂花四面廳一座重建 照廳三間連

後軒巫公祠三間重建 遊廊連院旁門共十五間新建 桂

花廳後開築澗溝一道 外圍牆一帶重建 內圍牆一帶

重建 增設厠屋二間

田租項下

係常邑書吏經手收租變價由縣批解糧道衙門貯庫監

院支銷

一般案官田一頃額收秋租八十四石三斗九升二合坐

落常熟縣南二場四十三都四十九圖維行兩號二斗

三升糧田科則地名香界涇

常昭合志

卷之四

書院

五

一西林寺田一頃四毫額收秋租六十九石三斗九升麥

租十七石二斗七升坐落常熟縣南二場八都三圖合

肥濟弱等號一斗九升糧田科則地名鷺山

一天福沙田五頃九十九畝四分九釐八毫額收秋租二

百六十九石七斗七升四合

又蘆灘三頃一十七畝四分九釐八毫麥租五十九石九

斗五升草價錢三十千文

又新墾蘆灘內轉重田五十六畝二分三釐九毫額收秋

租二十五石九斗五升麥租五石六斗二升四合

一張南華捐田五畝五分額收秋租三石三升九合麥租

七斗一升五合坐落南二場六都一圖天字號一斗九升糧田科則

以上其內地田二頃五畝三分四毫 沙田六頃五十五畝七分三釐七毫 草灘三頃一十七畝四分九釐九毫

三共租米荳四百五十二石二斗三合 租麥八十三石五斗五升九合

一周昂捐游文書院田一頃二十七畝九分內上田六十四畝四分每畝交租米七斗五升七斗不等下田六十三畝五分汪教諭讓定每畝五斗不論荒熟照額實辦

常昭合志

卷之四

書院

三

上下田其應收租米七十八石一斗四升五合此田坐落昭文縣東四場四十都十三圖寧洋道南圩 現在常熟縣儒學經收租米變價爲書院公用

存本項下

係在城各典具領營運設立支利經摺存交常邑庫書監院備文移縣由紳董給票向典取利監院支銷

一各紳士原捐七折錢三千兩計足錢二千一百千文

一各紳士原捐歲修通足錢二百六十千文

典息專備
每年修葺

一各紳士捐賑餘存通足錢八百千一百十三文

以上其通足錢三千一百六十千一百十三文乾隆五十

二年三月發常邑典商汪裕隆汪德潤汪景玉戴通裕昭
邑典商汪春德汪春和汪聚春趙鼎泰汪春得各典分領
營運週年一分起息每年該息通足錢三百十六千文每
遇閏月加增一月一分利息

一周紳經手繳出各紳士捐賑餘存通足錢一百五十三
千四十文乾隆五十四年三月初四日發東塘墅典商
嚴萬隆週年一分起息每年該息錢一十五千三百四
文遇閏同前

已上連前四項俱詳明各衙門有案

言子虞山書院在常邑境城內書院術初名文學書院在醋庫

常昭合志

卷之四

書院

美

橋元至順二年邑人曹善誠距言子墓二百餘步建以祀言
子闢講堂設師弟子員而仍額曰文學有贍田至正末毀於
兵明宣德元年知縣郭南改建儒學西巡撫周忱更其名曰
學道尋又圯嘉靖時知縣王叔杲改建虞山麓西北與墓近
表曰南方精華益闢地增置號舍書樓爲一邑巨觀萬曆庚
辰江陵相議毀天下書院又廢僅存一祠萬曆三十四年知
縣耿橋重新之更名虞山書院刻有虞山書院志十五卷志
中備載院基四址屋制學規中爲學道堂次爲有本堂西爲
言子祠東西兩廡各三間從祀王楊兩知縣前有莞爾堂又
西爲弦歌樓祠後奉祀房以棲言氏子孫讀書西北爲射圃

前有淵源池知津橋鬻墨井築方塘院門一楹臨文學里街
卽今稱書院街也左右守院房三楹街之南口有文學里坊
東南賢士大夫悉來講學一時稱盛天啟中魏璫毀之崇正
六年後裔福恂如買歸原地知縣楊鼎熙重建學道有木二
堂康熙丁亥糧道馬逸姿修有記今亦圯唯言子祠莞爾堂
存後裔隨時葺治官設編祭銀兩春秋有司祭之

本江南通志蘇州府

志常熟錢志昭文陳志知縣耿橋虞山書院志合纂部額設奉祀生

常邑思文書院俗呼遲公書院在常邑城內西北二圖文學里
康熙十六年紳士捐銀買民屋建立計大門一座塞門一座
大廳三間東書房一間西書房一間沿街從房三間東址文

常昭合志

卷之四

書院

三

學里大街西址唐家山南址唐家山路北址樊姓基存典生
息元絲木銀二百十二兩每月一分五釐起息不計閏每年
致送社師修脯銀二十二兩餘銀爲修葺費在儒學支取學
租米二十石

昭邑琴川課院在昭邑方塔寺西知縣康基田創立屋凡十八
間昭邑五典每年捐八折錢三十三兩又撥學租二十石爲
課師脩脯乾隆四十三年棟宇傾圯已甚值大修昭城隍廟
邑紳因取廟之舊料建造并增飾重新之較舊制爲宏敞

昭邑支塘鎮正修書院在鎮之西門街堂前後各三楹西爲齋
舍左右廂廊若干間大門三楹共計屋十六間乾隆二十八

年知縣康公基田建立先是舊知縣黎公龍若因賢祠舊所沿爲鄉人薰脩習靜者之所處遂改爲社學額其堂曰正修學人陳祖范有記至是立爲正修書院延甲乙科爲院長康公於時興六書院東鄉居其五而支塘之正修書院爲盛公自爲記師生膏火所資於田租者若干畝以銀本生息者若干兩皆關於後

張莊圩田五十畝 生號田九畝 重號田十七畝二分

丹號田七畝 岳號田七畝 皇號田八畝 三分五釐

裳號田七畝三分 此田後歸價一百十兩 爵號田五畝

持號田三畝 菜號田 六畝九分 冬號田十五畝

常昭合志 卷之四 書院 美

奈號田十一畝 五分 以上原捐田

闕號田四畝 弱號田三畝 霜號田二畝

師號田三畝 以上續捐田

衿士共捐銀六百五十兩貯典生息知縣林公培選給董事印簿收執取息以充經費

昭邑梅里書院在鎮之西街屋三重共十六間乾隆二十九年知縣康公基田建立本宋鄉賢王公師德之祠尋爲二氏之徒所據康公遷置其像於他廟奉王公木主於中因其棟宇重新之拓地三畝增門堂齋舍規制乃備公自爲記延孝廉主講席有方靡伏短彼堂恃當竭深空端忠谷寸黎改五惟

正惡建立大籍扶勿皇冠結民信尺實南賴圩各字號不等
斗則糧田一百四十二畝六分五釐董事經手收租又存交

信泰玉成兩典七折錢三百兩利一分六釐取息以為師生

膏火

嘉慶二年康公陞任河督復捐廉二百兩分給正修梅里兩書院經費

昭邑智林書屋在東徐市智林寺之東知縣康公基田創立為
屋三重四廂共十三間公捐田五十一畝五分每年折收租
錢其花田每年畝取麥租二斗荳七斗辦賦外為課師修脯
租數如左課師自為經理

原捐造號三斗一升田六畝 二斗三升田二畝

次號一斗九升田一畝二分 書號一斗九升田二畝

常昭合志

卷之四

書院

五

物號一斗九升田四畝五分 谷號二斗三升田七畝_{三分}

宅號一斗九升田二畝 宮號一斗九升田三畝_{八分}

已上每畝租額九斗

靈號一斗九升田三畝 盟號一斗九升田一畝_{五分}

賓號一斗九升田一畝四分 弈號一斗九升田二畝_{二分}

府號一斗九升田二畝 甲號一斗九升田一畝

故號一斗九升田一畝七分 畫號一斗九升田三畝

已上每畝租額一石

佐號一斗九升田三畝每畝租額八斗

縻號一斗九升田三畝八分每畝租額七斗

每年共完條銀三兩六錢四分五釐漕米五石四斗八合
昭邑清水書屋在清水港知縣康公基田創立屋凡九間四廊
課師脩脯田三十一畝呂氏董理田租開後

良號三斗二升田八畝五分 臣號三斗二升田七畝

非號三斗二升田四畝二分 實號三斗二升田五分

潔號三斗二升田三畝三分

已上每畝租額一石

惡號三斗二升田二畝七分 壁號三斗二升田一畝九分

積號三斗二升田二畝 貞號三斗二升田九分

已上每畝租額九斗

常昭合志

卷之四

書院

學

每年共完條銀三兩一錢四分八釐漕米五石二合

昭邑海東書屋在西周家市知縣康公基田創立有記屋凡十
一間課師脩脯田三十一畝二分五釐每年收租率以二麥
八荳租額開後

牧號一斗九升田一畝租額一石 竭號一斗九升田五畝

赤號一斗九升田八畝一分 頗號一斗九升田六畝四分五釐

已上每畝租額九斗

亭號五升地七畝八分 沙號五升地三畝

已上每畝租額八斗

每年共完條銀一兩六錢五分三釐漕米二石三斗六升

一合

虞溪書院在阜城門外明叅政周木建祀虞仲其中宏治間知縣計宗道顏其堂曰讓德

養賢書院在明倫堂之西

本朝康熙四年復學宮旁址之侵於民者海防同知魯超建

常昭合志

卷之四

書院

聖

義學附

社學舊在縣治西明成化間知縣甘澤建宏治八年知縣王綸
重建於慧日寺西十年知縣楊子器復拓之萬曆中知縣張
集義構門廡復舊制知縣楊漣延塾師以教貧民子弟今廢
義學在三十七都沙頭之南元泰定二年楊伯麟築室為學舍
置田供祖元闡復記畧吳郡義田自范文正公始常熟縣楊君實踵行之君家居琴川百有餘年宗派既蕃思以義庇其族於沙頭里墾田若干築舍二十楹延耆儒以主師席凡族中之貧者有養老者有奉少者得致力於學予嘗為部使者知君尚義之志老而彌篤不可不為表見於世

楊氏義塾二所坐落恬莊鎮乾隆三十八年楊岱設一在鎮北
繼緣道院每歲延師二人訓里中子弟一在鎮東義莊內延

常昭合志

卷之四

義學

望

師課族中子弟置田百餘畝併入義莊支銷修脯吳蔚光記

軍制

邑非用武之地顧濱江控海形勢稱雄邑城南距蘇郡僅百里江海之距邑城東與北僅數十里出鎮海門塘河馬道直達福山昔人並建設雲和塘固以衛田疇脫有警報風水間阻陸可立達郡城厥有深意洵哉北門管鑰爲會城之翰蔽矣當孫吳時西陵烽燧達於南沙宋之南渡屯戍相望下逮元明劇盜窺兵於境上島夷入寇於腹心小醜跳梁乘間竊發昇平休息百數十年來無事未有如我本朝者安不忘危備禦不可以不具凡前代兵事並著於篇

常昭合志

卷之四

軍制

四

歷代

吳南沙置烽堠

吳志孫權時西陵舉火達吳郡南沙

吳越錢氏嘗遣將梅世忠李開山屯兵許浦上游三十五里名

其鎮曰梅李又戍福山以防南唐之寇福山列戍自此始

宋置開江指揮因錢氏舊制有兩指揮卒千人一駐在縣西北

偏今爲尉司教場一駐崑山西南導河築隄以減水患自朱

勳進花石綱盡奪營卒以往建靖之後不復招填紹興二十

九年監察御史任古於常熟崑山各招填一百人其後止有

城下吳江兩指揮兵士百餘大半力役於官乾道初轉運判

官陳彌作知府沈度開浚十浦請仍招置兵士常熟崑山兩

縣各一百人仍於本府見管使臣內差選二員部轄開浚自此以後勤水力穡之事有司無復講矣

許浦水軍寨在許浦鎮建炎紹興間水軍戍江陰許浦福山諸處無定所乾道六年始自明州定海分屯於此既而御前水軍統制馮湛極陳許浦要害港汊深遠可藏戰艦土地高廣可立寨柵且去淮甸不遠斥堠相連易於探報乞移定海全軍駐屯許浦事下守臣相度具言非便上按圖設謂寨基東抵太平西抵勝法里名可喜督趣立成定水軍七千人爲額置副統制領之淳熙中奏益千人紹興以後增招海舶軍兵嘉定中官軍總額萬人屹然雄鎮

常昭合志

卷之四

軍制

四

許浦左軍寨在許浦東百餘里顧涇寶慶元年都統吳英上建屯之議分許浦二千五百人置屯

忠節水軍寨淳熙九年浙西安撫司趙興憲請於福山魏江江灣三處各置戍兵三百人

鄉兵山水寨凡三一在福山臨江一在許浦臨江一在白茆臨海並建炎後置卽巡檢寨土軍各一百四十四名保伍中取之三丁籍一亦名義兵歲以農隙聚教自十月起正月終散元制通事漢軍萬戶府在許浦

明鎮撫司在縣治西吳元年建蘇州衛撥軍人三十名隸之以司城門啟閉宣德七年主簿郭南因城廢奏革

白茆備倭寨在常熟縣東北九十里海口天順五年鎮守都指揮使翁紹宗奏置每春夏蘇州衛分委指揮一員千戶二員百戶四員領軍士四百餘人至此操練備倭置船四艘巡哨官軍俱至秋末還衛又立教場備官醫療疾成化十八年都指揮郭鎔復立備倭軍營又造官廳鼓樓軍房七十餘間正德十六年重濬白茆俱遷建新開河口嘉靖中因倭患撥衛所官軍遊兵把總及廣福滄沙等船水陸共四千餘人在港防守又建朱家堡於近地

福山巡江百戶一員蘇州太倉二衛分遣卒兵巡邏嘉靖中武備廢弛倭寇入境總督張經議設福山把總防守操江都御

常昭合志

卷之四

軍制

壘

史高捷奏地勢莫衝於狼山福山間宜募水兵萬人廣福滄沙船三百艘屬叅將操練胡宗憲又請添遊擊一部應援蘇松等處五總並從之寇平後築堡福山定置把總統水陸兵七百餘人防託江面其屬水陸哨官各二人

明制備倭把總以都指揮體統

行
事

國朝

福山營在常熟縣北水門外離城三十六里沿楊子大江之濱對渡爲狼山蓋江海之要津蘇郡之後戶也順治初設副將四年改守備十六年改遊擊舊額遊擊一員守備一員千總二員把總四員馬戰兵七十名步戰兵一百九十名守兵六

百二名官坐馬二十二匹戰馬七十匹官渡船四隻巡船十六隻

康熙二十三年裁馬步戰守兵二十九名馬二匹三十五年改步戰兵十名爲守兵五十四年撥守兵十名入吳淞營

雍正二年撥步戰守兵七名入太湖營五年撥步戰守兵八名入青村營七年添設外委千把總六員仍食馬戰兵糧九年添設沙船四隻隨船兵丁六十名

乾隆十三年蘇州府志載福山營馬戰兵五十八名步戰兵一百六十一名守兵六百九名官坐馬二十二匹戰馬六十四匹沙船四隻官渡船四隻巡船十六隻歲需俸薪餉乾連閏銀一萬四千五百五十九兩一錢八分三釐米三千二百五十二石六斗

乾隆四十七年奉裁各官員下隨糧五十五名改給養廉遊擊四百兩守備三百兩千總一百二十兩把總九十兩外委十八兩四十八年奉裁公糧守餉二十一石

乾隆五十九年現在額設馬步戰守兵八百四名

內外委千把九員字識二十五名吹手五名塘撥兵四名戰馬五十六匹巡江沙船四隻內河

巡船十五隻計存營馬步戰守兵三百五名城守汛分防各兵七十二名鹿苑汛步戰守兵八十五名徐六涇汛步戰守兵八十五名支塘汛步戰守兵四十名唐市汛步戰守兵四

十二名城外汛步戰守兵四十六名巡江汛戰守水兵六十名常昭城內馬步戰守兵一百三十名歲需俸薪馬乾兵餉銀一萬二千八百五十九兩六錢四分六釐米二千八百九十四石四斗

額設經制官八員遊擊一員守備一員千總二員把總四員舊志並未載有姓氏籍貫今就乾隆五十九年現任各員標其駐劄處所及姓氏籍貫其外委千把總近例亦達內部分著之以示有考云

遊擊一員駐福山城堡

劉崧 安徽巢縣人 生員

陳耀 江蘇上海人 行伍

常昭合志 卷之四 軍制

畢

中軍守備一員駐常昭城內為城守

杜魁光 江蘇阜甯人 庚子武舉

馬成 江蘇松江人 武舉

姚百祿 江蘇江甯人 武舉

千總二員一駐福山城守汛一駐鹿苑鎮汛

馬成 江蘇華亭縣人 庚子武舉

陳鎮邦 江蘇通州人 武生

把總四員一駐常昭城外接官亭汛一駐唐市汛一駐徐六涇

汛一駐支塘汛

孫景璐 丹徒縣人 行伍

朱泰 常熟縣人 行伍

馮明玉 上海縣人 行伍

周德 常熟縣人 行伍

協防外委千總二員一駐青草沙汛一駐七星橋汛

婁志達 鎮洋縣人行伍

顧思惠 鎮洋縣人行伍

協防外委把總四員一駐福山城守汛一駐王莊汛一駐白茆汛一駐梅林汛

柯鑑 常熟縣人行伍

孫大成 華亭縣人行伍

邵元得 常熟縣人行伍

尹承宗 婁縣人行伍

額外外委三員內二員駐福山城一員駐常昭城內

沈友仁

沈祥

李起鳳 三員俱係常熟縣人行伍

常熟縣境三十八汛

接官亭 水汛

戴渡 水

木排舍 水

張家田 水

吳塔 水

已上

在元和塘南與長洲船場鋪接

太平港 水

湖橋 水

大河

王莊

西徐

常昭合志 卷之四

軍制

巽

市朱家壩

田莊

繆橋

唐橋

西唐市

鹿苑

慶

安 已上在縣西北界

烏沙墩

吳園墩

新莊墩

楊壩墩

黃泗

浦墩 方壩墩

三丈浦墩

奚浦墩

王英墩

小陳墩

大陳墩

江涇墩

西洋浦墩

黃涇墩

盧浦墩

鰻

魚墩 洋涇墩

福山西墩

福山東墩

崔浦墩

繆涇

墩已上沿江諸墩西自烏沙墩接江陰寂瀆汛東至繆涇墩接昭文耿涇墩

昭文縣境三十七汛

北水門 水汛

大東門外 水

小東門外 水

尖口 水

唐坊橋

梅里 水

珍門廟

周涇口 水

文村

長毫

徐市

老吳市

張家市

已上縣東界

七星橋

鮎魚口 水

白茆新市

水

支塘水 李市 何家市以上在縣東南界 耿涇墩 朱壩墩

海洋墩 胡涇墩 干步涇墩 嚴壩墩 許浦墩 周

港墩 瓦浦墩 張涇墩 徐六涇墩 顧港墩 唐浦墩

高浦墩 金涇墩 舊塘墩 白茆墩 橫涇墩以上沿江諸墩

西自常熟烏沙墩起至此並福山營所轄 養鵝墩 橫浜墩 鐺脚墩以上三墩屬劉河營

把總所轄

已上各汛雍正八年始行建造營房各水汛額設巡船一

隻其馬道橋梁西與江陰之楊舍營接上通京口東與太

倉之劉河營接下達金山衛壘墩星聯而五狼雄鎮崇沙

水師呼吸聲援防奸巡海視昔綦嚴

常昭合志 卷之四 軍制 吳

常熟縣馬橋九座

福山港 西洋港 大陳浦港 小陳浦港 奚浦港 三丈

浦港 黃泗浦港 新莊港 烏沙港

昭文縣馬橋十座

白茆塘 舊塘港 金涇 唐浦 高浦 徐六涇 許浦

干步涇 耿涇 海洋塘

已上馬橋在沿江諸港備巡海兵馬經行例以春秋二汛

修葺工費責之里役輪辦

教場在小東門外為考校操演公所演武廳將臺鼓亭全

巡檢司常熟縣黃泗浦巡檢一員昭文縣白茆巡檢一員各領

弓兵二十四名緝私販詰奸宄 按地濱江海舊有福山浦
許浦甘草浦白茆浦黃泗浦五處各設巡檢一員弓兵一百
名文員實兼武事各於均徭內僉充五司各置烽堠隆慶間
白茆福山二巡司弓兵僅各二十四名許浦黃泗浦僅各三
十名後甘草司割隸太倉福山許浦兩司巡檢漸次裁汰現
留黃泗浦白茆浦兩司巡檢各一員弓兵亦減額數其巡檢
姓名籍貫舊志不載今就乾隆五十九年現任各員開列

黃泗浦巡檢司

錢

樞

順天大興人

白茆浦巡檢司

常昭合志

卷之四

軍制

辛

陳

濤

江西新昌人監生

康熙十九年始開海禁設立狼福對渡官船二十隻每年徵渡
餉二千兩係福山營收解 二十四年始設海關許民出海
貿捕

雍正二年奉文團練民壯烏鎗手二十名弓箭手二十名長鎗
手一十名四年復設馬快八名與民壯合爲一役改爲快壯
司防護緝捕之役

通志江防考

蘇州獨常熟爲江海交會之地自孫吳時西陵舉火達於南
沙固已置烽堠於其地吳越錢氏嘗遣其將屯許浦戍福山

列戍自此始福山之上自烏沙港東至黃泗浦三丈浦奚浦西洋浦以及福山堡皆福山營汛福山與通州狼山相對爲大江出海之門南宋韓世忠所屯守處其堡城爲侍郎胡宗憲平倭後所築今以遊擊鎮之與北岸狼山三營隔江策應屹然雄鎮也

通志海防考

自狼山而南與常熟福山相對爲江海合流鹹淡分界處烽戍相望一葦可達晉咸和五年石勒將劉澂浮海抄東南諸縣以入海虞此自北而南也唐中和間招討使周寶討周郁於海上郁退保常熟走海陵此自南而北也

常昭合志

卷之四

軍制

至

國朝康熙十九年始開海禁設立狼福對渡官船二十舸二十四年復設海關許民出海貿易自是狼福之間往來者項背相望其福山戍守始自明嘉靖間總督張經之議旣而操江御史高桂春請募水兵萬人屬叅將操練胡宗憲又請添置遊擊爲蘇松應援並從之倭寇旣平築堡於此

國朝因其舊制自福山東西二墩以東入昭文界昭文瀕海之地其浦口之大者有三曰許浦曰徐六涇曰白茆港許浦年水車統制馮湛極陳許浦要害乞移定海全軍屯此從之自是定海水軍七千人置寨於此後寶慶間吳英上建屯之

議復分二千五百人屯浦東百餘里今寶山之顧涇也徐六涇舊本淺狹自田家壩鑿通以後海潮衝齧遂成大口漁舟蟻集鹽船盜艘亦時闖入康熙四十年間置堡守戍嘉靖三十三年海賊劉鑑突入白茆知縣王鈇悉力禦之乃去自徐六涇白茆出海有海外薛家沙康熙六十一年允沙民所請亦設四墩分兵駐宿雍正十三年薛家沙冊漲後劃隸通州已上常昭之境皆係福山營汛地惟自白茆東南養鵝墩至鐮脚墩係昭文太倉交界之地故獨屬之劉河營云

兵事附

晉顧眾傳咸和二年蘇峻反時賊帥張健等攻無錫眾恐從賊海虞道入白往備之健據吳城眾自海虞由婁縣東倉與賊交戰破之

咸和五年石勒建平元年夏五月石勒將劉澂帥眾數千浮海抄東南

諸縣殺南河都尉許儒入海虞

七年將軍趙允攻克馬頭石堪遣將韓雍救之至則無及遂寇

南河海虞俘獲五千餘人見晉書

唐上元二年正月楊惠元擊劉展將王暉暉敗走常熟乃降蘇州平

常昭合志

卷之四

兵事

三

中和間柳超據常熟招討使周寶遣將張郁戍海上郁叛寶遣兵討之郁退保常熟走海陵死

大順元年十一月孫儒陷姑蘇李宥奔常熟

乾寧三年四月淮南兵與鎮海兵鎮海卽錢氏兵戰於黃天蕩鎮海兵

不利楊行密遂圍蘇州五月常熟鎮使陸郢巡檢郭用威等以城應行密用威黨趙邯手及母妻子以盟行密鹵刺史成及歸署行軍司馬及引佩刀欲自刺行密遽止之

宋建炎三年高宗幸杭詔韓世忠守圖山福山世忠海道領兵入許浦從縣赴郡會張浚勤王之師以討苗劉之亂

四年金自建康窺四明李閻羅屯兵常熟明年赴郡城

紹興元年六月水軍統制邵青復叛犯江陰軍之福山七月劉光世遣將高仲福擊青於常熟不利十月邵青聚其黨於崇明沙將犯江陰劉光世令王德討之德執旗麾兵拔柵以入青眾大潰翌日餘黨復索戰謀曰賊將用火牛德笑曰此古法也可一不可再命合軍持滿陣始交萬矢齊發牛皆返奔賊眾殲焉青自縛請命德獻諸行在餘黨悉平

三十二年諜報金人造交船將從海道襲浙江高宗授李寶浙西路馬步軍副總管寶遣子公佐督舟出大洋無何公佐挾魏勝得海州敵圍海州寶麾兵登岸敵大却直抵膠西殲其眾獻捷於梅李之東因建橋曰賀勝高宗喜加寶海靜軍節

常昭合志

卷之四

兵事

四

度使沿江制置使

乾道六年以承議郎秦焯同許浦軍御前水師統制修理武備元至正十五年乙未張士誠用江陰大盜朱英計遣弟士德窺江南兵至福山已逼歲除夜半急趨九浙士德遣朱伯昇朱英分兵直趨城下將兵從墅橋湖橋山南入約明日合兵縣治鎮帥脫寅遣楊椿備常熟伏兵興福寺及士德兵且南率士越維摩嶺伏湖橋錢園中十六年元日與德先鋒韓謙錢輔戰於湖橋謙輔潰德奄至復力戰時伯昇已入城官民棄城走朱英從虞山頂送士德椿乃敗入郡

十六年三月三日張士誠由福山入蘇州

十七年正月安遠大將軍花雲克常熟州獲卒萬餘命雲將之
七月徐達兵徇宜興取常熟趙德勝攻常熟擒張士德

十八年戊戌六月張士誠兵寇常熟同知樞密院事廖永安戰
於福山港大破之庚子五月士誠兵復破常熟西門至丙午
十二月明兵圍平江知州盧鎮始以城降

明初河陽有朱蝦蟆者聚徒劫庫知縣李彰調民兵平之

成化中吳淞人劉通以鹽販出入海上眾至數百人雙鳳掠人
子女其黨習於水官兵不能禦時都御史白昂領操江至海
上誘其降擒之戮於市

宏治中崇明人施天泰雄長沙上勢猖獗邑之慶安西洋奚浦

常昭合志

卷之四

兵事

五

皆遭焚劫至福山戍兵禦之不敵都御史艾璞與郡守林世
遠招下之天泰調戍南丹衛後二年餘黨紐東山復爲亂都
御史魏紳發卒入海平之

正德七年河朔大盜劉七齊彥明作亂都御史陸完師駐濟寧
賊自襄陽順流而下金陵京口兵不能制至江陰江陰縣夜
使壯士泗水鑿沉其舟乃引去至通州狼山是時陸完所將
遼東副將總兵劉輝遊擊邵永駐於邑之福山以兵渡江擣
狼山火其寺賊窮投崖皆被斬齊彥明病於舟中一卒斬之
持其首以獻賞其功官以指揮劉七赴江死師還入城宿於
民間秋毫無犯監軍御史卽吳堂也

嘉靖十七八年間白茆盜黃巨通州盜秦璠結黨橫行江濱兵備王儀討平之

三十一年壬子

府志載三十二年

海賊汪直糾倭寇瀕海諸郡八月倭犯常邑突至福山港知縣王鈇率耆民兵逆於尙堅壯士李安射死渠魁三人倭望風遁

三十三年正月倭自太倉掠蘇州四月犯常熟賊酋劉鑑突入白茆港犯賓湯門焚附郭居民知縣王鈇督民兵守禦城圯二十餘丈以門板布列賊不能登乃散會搜得其所伏黨及爲所嚮導於城外者鈇親及之倭由是失援

三十四年四月倭自三丈浦分掠常熟叅政任環與知縣王鈇常昭合志

卷之四

兵事

五

其勦賊於鹿苑斬首五十級生縛七人溺死者亡算吳越勦寇功以此爲最鈇又募打生孥手守女牆射賊應弦而倒賊相戒不敢近以是城得保全五月二十四日倭自吳門取道尙湖載寶入江鈇徵耆民兵急乘舸與邑人錢泮追擊倭於湖上

邑人錢泮

以江西叅政里居忿倭熱其父極力從與贊鈇乃用小艇數十躡倭

倭知之乃搖曳

過險而潛登陸地曰讓塘者伏道左鈇至倭伏發夾擊之隘中獨耆長數人從皆力鬪死鈇陷淖瞋目大呼腹中刃死泮被數鎗殺三賊而死舉邑惶怖任環帥師亟至逐斬逋寇寇從三丈浦出海

按倭亂始於嘉靖三十二年至四十三年中間總督胡宗憲計擒徐海等渠魁戚繼光破倭於仙游俞大猷破倭於

潮州其患始息至蹂躪常熟太倉嘉定崇
明沿海各處任環王鉄戮殲之功爲多

大清

世祖順治二年六月乙卯

王師至蘇州閏六月初八日下常熟通志士民相率迎降先是

大兵於五月初九日渡江抵蘇郡遂徇屬邑常熟縣知縣曹元

芳先已聞警棄官潛遁福山叅將蕭世忠縣丞馬天錫次第

赴巡撫王國寶轅門投誠安撫使周荃來收邑圖籍新任知

縣洪一緯縣丞陳日昇葢邑頒刻條教曉諭民慶更生惟福

山沿海一帶營將何鳳翔芮觀等盤踞未靖主帥命汪提督

巡勦叅將蕭世忠等提兵破福山城鳳翔等遁入海巡撫按

常昭合志

卷之四

兵事

三

臨福山出榜安民提督楊文龍鎮守常熟平

省郡志叅
海隅遺編

鄉都

周制鄉鄙置大夫漢世鄉亭置吏皆與有教養之責凡戶口之登耗田賦之多寡輕重籍於鄉者詳則一邑之典粲如也鄉鄙各舉其職而邑總其成裕如也今之鄉都名畧同而實大異所置里胥供役而已常熟昭文凡九鄉五十都自割置太倉州實存都四十五以八十五區轄四百八十三圖近又添至五百餘圖常熟得二百八十餘圖昭文得二百二十餘圖自禁革區書近又設每圖經造管推收地糧冊籍凡圖中徭役有排年按充謂之地方云

常熟縣鄉八

與昭文合者四

都三十二

與昭文合者六

常昭合志

卷之四

鄉都

奏

感化鄉全

在縣西南管都七

一都今一區領圖六 二都今二區領圖七 三都今三區領圖五

四都今四區領圖四 五都今五區領圖六 六都今六區領圖七 七都今七區領圖八

崇素鄉全

在縣西北管都三

八都今八區領圖八 九都今九區領圖七圖半 十都今併九區

南沙鄉全

在縣西北管都六

十一都今十區領圖八 十二都今併十區 十三都今併十一區

十四都今分十一區領圖六十二區領圖八十三區領圖八 十五都今十五區領全圖六不全圖三 十六都今併

十八區

端委鄉在縣東北管都五

十七都今併二十區 十八都今併十八區 十九都今併十六區 二

十一都今十七區領圖三 二十二都今分十八區領八圖半十九區領圖七十二區領五圖半二十一區領圖六

開元鄉在縣東北管都二

二十三都今併二十一區 二十四都今分二十二區領圖四二十三區

領圖五

雙鳳鄉在縣東南管都二三十三都今併區未詳 三十四五

都今分四十八區領圖二四十九區領圖二圖半五十三區領圖四十五十四區領三圖

三五十一區領一圖半五十三區領圖四十三都今分五十八區領圖六五

十九區領全圖三不全圖三六十八區領圖五六十一區領圖

六六十二區領圖四六十三區領圖五

積善鄉在縣東南管都二四十四都今分六十八區領圖五六

十九區領圖六七十區領圖五七十

一區領圖四七十二區領圖五七十三區領圖四

四十五都今分七十四區領圖六七十五區領圖四

歸政鄉全在縣西南管都五四十六都今分七十六區領圖八

分七十八區領圖五七十九區領圖五 四十七都今

分七十八區領圖五七十九區領圖五 四十八都今分七

十八區領圖五七十九區領圖五 四十九都今分八十二

區領圖六八十三區領

圖 五十都今併四區

在城圖十東南一半圖四圖五半圖 西南一圖

常昭合志 卷之四 鄉都 堯

市 附

縣市 在縣治西 慧日寺前

楊尖 在感化鄉四都去縣西南四十五里西接無錫

河陽市 在河陽山東感化鄉 去縣西北四十里

奚浦市 在南沙鄉去縣北七十里有 汛北通大江饒魚鹽之利

西徐家市 在河陽山西 南沙鄉有汛

唐市 舊名尤涇在雙鳳鄉去縣東南三 十里又東南則崑山界有把總

練塘市 在歸政鄉四十七都 去縣西南三十五里

大河市 去縣西 十八里

田莊市 去縣西北三 十里有汛

范家市 去縣三里自城東南下白茆港夾河爲市者
西曰范家市屬常熟東曰陳家市屬昭文

鎮附

福山 在端委鄉去縣北三十六里有城周三里明嘉靖中倭警
知縣馮舜漁率江陰縣主簿曹廷慧築之以置防江之戍

萬歷中知縣楊鏈修邑人翁憲祥記 木朝康
熙二十一年知縣高士鶴重修今有遊擊駐防

鹿苑 在縣西北七十
里有千總駐防

慶安 在縣北八十里南沙鄉舊名石
闡市宋元豐間改爲鎮今有成

常熟 琴川志在縣東百二十
步今廢猶有鎮橋存焉

村附

山村 湖村 小山 下邳 寶巖寺前已上都塘頭 顧莊

野塘舊志作冶 東水頭 河泊市 湖莊已上都 東西花林 道林

常昭合志 卷之四 鄉都 卒

沙堰 城綴 充陂 柴村 夾舍 五林 孫舍 錢

市 鄒莊 周莊已上都 黃屯 後莊 馬市 石塘 杜朱

堰 陳塘 羊莊 宗母宅 西石靖 白塔堰已上都 麻鞋

鍾綴 陳黃 支市 東石靖 李甜市 毛巷 嶺村

晏莊 錢市 晏村已上都 下市 陸市 于塘 東于塘

富市 潘塘 童莊 伍市 中澳已上都 錢莊 蔣邴

塘澤 蔣舍 林莊 顧莊 頂山已上都 英舍 東徐 西

徐 西莊 陸塘 朱村 徐岸 魏莊 黃村 邴村

至塘 虎忽 水北 張市 蔡舍 袁市 怯村 東邵

市 西邵市 河陽坊前已上都 湖下 中澳 下澳 河陽

山前 河陽橋 厚村 邵巷 焦宅 陶蘆舍已上九都 北莊

蔡舍 孔涇 凌莊 蔡村 塘橋 南莊 村後已上十都

烏村 徐舍 闕莊 東邵舍 塘下 金莊 慶安寺前

已上十都 顧沙港 涸岡 高市 新產 界涇 東檀祁

西檀祁已上十都 新莊 陳陸園 王十二塾 楊澳 黃泗

浦有巡檢司有汛已上十三都 蘆舍 榮莊 尹涇 姜村 草長 毛

巷 戴巷 奚浦橋已上十都 孟市 尹市 邵塔 新安

李埭 侯村 西官城 益社已上十都 東屋 景市 李烏

潘祁 下臯 桑舍 西山 蒲林已上十都 吳涇 孫舍

陶舍 稠巷 鰻魚浦有汛 謝莊 蘆浦有汛 陶山 西山

常昭合志 卷之四

鄉都

空

西楊橋已上十都 河瀆 吳涇 新漕 安樂 崔浦橋已上十八

都 黃鶯 耿涇 野兒漕 中沙 崔浦有汛已上十九都 鵝城二十

都一 花莊 花社 檀林 水門塘 陸莊 福山柵前已上二十

都二 尙舍 河市 付子 西下市 後舍 闔閭 陸莊

高市橋已上十二都 陶莊 葉莊 九折折一作浙 周市 辛莊 東

下市已上十四都 沙營 海頭 西桑林 包橋 高可甲已上三十

都二 唐洞涇 山涇上 顧家灣 屈家渡 陸涇 鄔邱山

金莊已上十二都 七星橋 黃涇 莫城詳見古蹟 昆城湖南 草

蕩 畢澤已上十三都 大潭蕩 華蕩 鑊門塘 石岸頭 張

家田 東始莊 陶蕩 中潭蕩已上十四都 李宅前 茆塘橋

王家 陸店 洗馬池 惠洞涇 南塘 金市 藕蕩

柴涇 時村 戈市 下莊 斜橋下塘 丁家港已上四十

六都尚湖村西 下莊 秦塘橋 諸岸 鄒黃墓 胥墓

水南 平市已上四十七都 陳埭 朱巷 蔡姑 荻村 錢舍

蔣塾 陶舍 顧涇 吳塔 界程 石灰漚 東顧莊已上

四十都前周 李祁 東祁 惠舍 西顧莊 韓莊 宛山

鶴窠 烏啄舊志作嘴 西蔡姑已上四十九都 錢塘 瞿里 蒲陂

東舍 西舍 馬瀆 惠市 楊尖市南已上五十都

昭文縣鄉五都十八

端委鄉在縣東北管都二二十都今分十四區領圖五 二十都今分十六區領圖十一十七區

常昭合志 卷之四 鄉都

奎

領圖十

開元鄉在縣東北管都三二十四都今分二十二區領圖二 二十三區領圖二 二十五都今分二

十四區領圖六 二十五區領圖六 二十六區領圖四 二十七區領圖六 二十六都今分二十八區領圖十二 二十九區領

圖十

思政鄉全在縣東南管都五二十七都今分三十區領圖六 三十一區領圖七 二十八都今分

三十二區領圖八 三十三區領圖九 二十九都今三十四區領圖七 三十都今三十五區領圖七 三十一都今三

十六區領圖十一

雙鳳鄉在縣東南管都六三十三都今三十七區領圖八 三十八都今分三十八區領圖八 三十

九區領圖八 四十都今分四十區領圖三 四十一區領三 圖半 四十二區領二 圖半 四十三區領圖三 四十四區領三

圖半 四十五區領圖三 四十一都今分四十六區領六 圖半 四十七區領圖六 四十一都今分四十八區領一 圖半

五十一區領二圖半五十二區領圖二五十四區領圖半五十六區領圖五五十七區領圖五四十三都今分五十九區領不全圖四六十區領圖一

積善鄉在縣南附郭管都二四十四都今分六十六區領七圖半六十七區領七圖半六十八區

領圖一六十九區領圖一四十五都今分七十四區領圖二七十五區領全圖一不全圖二

在城圖七東南一半圖二圖五半圖東北一圖二圖三圖西北二半圖

市附

老徐市在二十八都去縣東五十里跨李墓塘一名李墓市

董家浜新市在二十八都去縣東四十五里

蘇家尖市去縣東二十餘里眾水所會岸有尖形夾河為市

李市在雙鳳鄉去唐市東南六里傍東山涇又名山涇市

常昭合志 卷之四 鄉都

奎

陳家市在四十四都去縣三里

白茆新市在四十二都去縣東南三十餘里

珍門廟市在梅李南六里又沈家市在珍門廟南

周涇口市在二十八都去縣五十里建閘座

王家市在二十一都去縣北三十里傍耿涇又有陸家市在東

趙市在何村東北去縣三十里又北有彭家市又北有項市

文村市北去梅李鎮五里有汛

碧溪市在周涇口北

西周家市在碧溪市傍

小吳家市在徐六涇東三四里

老吳家市

在三十一都小吳市東南五里去縣七十里臨金涇浦有汛

周家市

在老吳市東三里

橫塘市

在三十三都去縣東七十里

歸家市

在白茆北去縣七十里

張家市

在歸家市東亦名雙浜市去縣東八十里有汛

何家市

在三十八都支塘東十二里去縣八十里有汛接太倉州花橋界

鎮

附

梅李

在開元鄉去縣東三十六里琴川志引慶元志云吳越錢氏遣將梅世忠李開山戍此以防江北南唐之兵居民依

軍成市因取二將之姓以名其地元豐間賜為鎮或作梅里誤今仍為鎮有汛

支塘

在四十一都雙鳳鄉去縣東北四十五里因白茆港支流故名亦作芝張士誠嘗築城於此後拆毀移置太倉城土

常昭合志

卷之四

鄉都

裔

阜猶存有把總駐防

許浦

在思政鄉去縣東七十里臨江宋時有水軍寨舊設巡檢司今裁有汛

徐六涇

在三都康熙間築堡有把總駐防

村

附

馬暢

千步涇有瓦浦有鄔溝太平寺黃泥已上二都大坐

新莊

高墓

青村

杏莊

花莊

陶舍

東馬暢

何村

塘坊橋已上二都哮塘陳莊辛舍九里薛莊

官璉

三村

西曹莊

黃莊

東顧

西顧

鄭莊

瞿舍

雉浦橋已上二都罟里陶涇馬及東曹莊筍

莊李村

勝法寺前已上二都楊塘長毫有北舍沈塔

均墩 寺涇 施村 徐鳳坊前已上二都 東李墓 西李

墓 南港 北港 季渭橋已上二都 羅濁十八都 逆上 賀衫橋

包廐 白蕩橋已上二都 新莊 五浦 黃泥 官竹園

唐浦有汛 朱堰 翰村已上三都 高浦有汛 金涇有汛 海頭 白艾

官莊 凌莊 黃沙已上三都 西顧莊 六下河 東桑林已上

三十都 桂村 八赤 湖漕 南港 北港 蘆荻 徐鳳

東丫涇已上三都 三橋 朱巷 瞿涇 斗門 任陽去縣東南六十

里其地最窪又東南十里為直塘市又六里為雙鳳鎮今皆屬太倉州 已上四十都 坊前 赤沙

河舍已上四都 周莊 馬莊 下廟 周涇 黃村 下莊

宣塘 市宅 荻塔 馬涇 張塘 羅馬厝舍已上四都 潭

常昭合志 卷之四 鄉都 壺

塘 洋澳 時澤 舍宅 郎城 薛澤 三家村已上四都

五瞿在縣東南五里 戈莊 祐村 斜橋 青亭 呂巷 張港

於沾 沼頭已上四都 陳市 瞿市 茅市 錢市 觀莊

大步 塔下 興福寺前 瞿家塾已上四都

坊巷

古者九經九緯涂皆九軌爰有街巷夾其皇澗遡其過澗爰有橋梁入里必式則建坊以旌異之夫修理道路律有明文給銀建坊典垂令甲蕩平如砥棹楔巋然不徒示觀瞻已也撫今返昔君子哉興替焉

言偃坊

文學坊

德政坊

和風坊

惠政坊

隱仙坊

崇德坊

化合坊

信義坊

開元坊

常昭合志

卷之四

坊巷

矣

清真坊

常平坊

已上古坊皆不存從盧鎮琴川志所載舊名

製錦坊

舊名太平縣治右

飛鳥坊

舊名仁壽縣治左二坊相對

富民坊

縣東

春風坊

以春風樓相對故名縣東今屬昭文縣

興福坊

以崇教興福寺故名縣東北今屬昭文縣

壽安坊

縣西何家橋

叢桂坊

以冷副端世光兄弟連登科故名縣西北

衍慶坊

縣西北通慧日寺

聚星坊

以錢邱富諸寓公皆居此故名縣西北

袞繡坊

以曾丞相懷居此故名縣西北

紫薇坊

以崔紫薇敦詩居此故名縣西北

虞山坊

以登虞山名縣西北

已上宋坊

言子闕里坊 在翼京門內大街按舊志創始無考康熙二十五年知縣楊振藻重建乾隆八年燬於火知縣陳奠

續重建乾隆二十四年又燬乾隆四十六年裔孫如泗重建

清權坊 在虞山東麓先賢仲雍墓門

泮宮坊 在儒學前按舊志卽科第坊

學道名邦坊 在常熟縣署前乾隆二十一年知縣敬華南重建

至榮坊 爲正統十四年扈駕陣亡忠臣程式建在儒學西

儒英坊 爲張懋建在中巷

會元坊 爲瞿景淳建在中巷乾隆二十九年邑人屈成霖重修

閣老坊 爲嚴訥建在跨塘橋東

祖孫循良兄弟臺憲坊 爲蔣岳孫以忠以化建在慧日寺東

常昭合志 卷之四 坊巷

風紀名鄉坊 爲陳瓚建在儒學前

司馬中丞坊 爲徐斌建在翼京門外接官亭

雲仍科第坊 爲時中建在市心街

父子天官坊 爲趙承謙子用賢建在九萬圩

大中丞坊 爲陸問禮建在河東街

虞山福地坊 在致道觀前

洞天福地坊 在錦峯山麓

右坊凡十有六俱現存

文學坊 在書院街口

世俊坊 爲桑瑾建在南墅街

時英坊 爲桑瑜建在南市街

毓秀坊 爲魚侃建在賓湯門內大街

繡衣坊

一為陳璧建在文學橋西
北一為徐斌建在李臺市

尙書坊二

一為徐恪建在致道觀
左一為程宗建在鎮橋

宮保坊

為李傑建
在跨塘橋

五桂坊

為章表儀恪律度
建在北市心街

都憲坊三

一為章律建在瞿橋西
一為徐恪建在鎮橋
一為陳察建在鎮橋

叅政坊

為王鼎建
在梅李鎮

世科坊

為沈海建在翼
京門內大街

司諫坊

為蔡坤建
在河東街

諫垣夙望坊

為徐恪建
在西徐市

父子進士坊

為錢岱錢時俊
建在迎恩橋西

丹心柱史坊

為蔣欽建
在青菓巷

進士坊

為邵世茂建
在南市街

迎恩坊

為嚴恪建在山
前燒香街西

儒榮坊

為盧信立
廿五都

右坊凡二十二俱廢基址石柱尙存

常昭合志

卷之四

坊巷

矣

豸史坊

為朱鉉建
在花園街

修撰坊

為張洪建在
慧日寺南

世恩坊

為吳
涪建

登俊坊

為孫
紀建

岳伯坊

為呂國建
在坊橋

喬梓傳芳坊

為聞鑑建在
常熟縣治前

天衢坊

為蔡
宥建

驄馬坊

為馮圮建在
翼京門外

兩京名卿坊

為陳寰建
在豐樂橋

尙志坊

為鄧韞建
在市中心街

三賢宅里坊

為丁仁鄧彥章鄧
韞建在市中心街

學士坊

為嚴訥建
在縣南街

興賢坊

舊名會元坊為施顯
瞿景淳立在儒學東

五馬坊

為陳言建在
阜城門內

士元人瑞坊

為周光宙建在
常熟縣治前

忠孝坊

為唐天恩顧坤
建在慧日寺東

大司成坊

為趙川賢
建在鎮橋

旌孝坊

為顧
坤建

文宗坊

為陸化熙建
在興賢橋

解元坊

舊名育俊坊為沈諱章
表周光宙盛文琳建在

學前

迎仙坊 在望仙橋東

通濟坊 在坊橋

右坊凡二十有二俱無考

已上明坊

御書文開吳會坊

御書道啟東南坊 皆在子游墓前

御書懷蓋興文坊 為蔣伊建在蔣祠前

御書鈞衡碩輔坊 為蔣廷錫建在西廟巷

御書韋平世澤坊 為蔣溥建在西廟巷

恩錫卿貳巴蜀屏藩坊 為錢鑿建在九萬圩

常昭合志 坊巷 卷之四

矣

圖傳九老榮冠兩朝坊 為歸宣光建在塔後街

敕建節孝總坊 在翼京門內節孝總祠前載合邑節孝姓氏餘本家各坊不及備載

貞壽之門坊 恩旌御史王峻之妻馮氏百歲立在新縣前

好善樂施坊 恩旌楊繼祖設立義莊立在田莊鎮

已上

國朝建設坊

縣南街 按舊志明尚書程宗居此故舊名尚書街

金童子巷 舊志名金駝 沈家巷 東太平巷 西太平巷 廟巷

有周孝子廟故名 學前街 程家巷

南門街 東自顯星橋西達翼京門舊名五馬街知府沈海居此故名

新街 按舊志顧家新巷因顧裕愍公居此故名 稅務巷 虎街 閣老坊巷 在

學士嚴 温家街 稍折而東為河家廊下自閣老坊而東至此俱屬昭文縣境

河東街 南抵迎春門北達鎮海門俱屬昭文縣境

郁家門樓 東折而為 前花園街 後花園街 倉巷 以上事倉得

名 春風巷 舊名春風樓東接天燈街北折為前塔街 周沈巷 楊儀二姊一適周

節居此 老塔街 一名興福街中有壽星街樟木頭街 東殿巷 有東殿明王廟故名稍東北為塔後

街 小步道巷 步道巷 宋時設捕盜院其中亦各步道東折而為五福街又東為麗家街 葛

家街 後倉街 亦名東倉 孝義街

縣前街 東自迎恩橋西至何家橋

新巷 折而東為後新巷 青菓巷

常昭合志 卷之四 坊巷

丰

市心街 自何家橋至炳靈公廟章家巷以北又名紫金街

捲薦街 景言巷 即縣後街 寺後巷 西言子巷 即西子游巷元志稱吳國言公

西 菜園街 隱仙巷 俗稱西街中折而北為天寧寺巷 已上屬常熟縣

東言子巷 即東子游巷元志稱吳國言公東巷 浜巷 章家巷 俗呼章家角 辛峰巷

已上屬昭文縣

西門街 西達阜城門東至慧日寺

寺前巷 西折而為草堂里中折而西為中巷 趙家廊下 稍西接槐柳巷 書院街 舊志名

中有斗級街 陶家巷 舊志名安樂巷亦名大家巷中有觀街 道街 舊志名虞山里亦

道署右故名 廟街 在城隍廟南 讀書里 舊志名虞山西巷亦名昭明里因與昭明讀書臺相近故名

青龍巷 白虎街 蕭家街 嶽街

山塘涇 東接太平巷 西至廟前街

何家巷 迎仙里 八字橋南為徐神昇仙之所 繡鞋街 桑家街 西涇

岸 西折為趙家街染坊街王家巷 東折為祝家河頭善長巷 金李菴巷

南墅街 南至南墅橋折而南 為六房灣北至草橋

烏橋街 曾家巷 社倉街 經堂街 有南經堂僧舍故名 報本道院

衙 邵家巷門

大東門街 西抵坊橋東達賓湯門俱昭文縣境

西黃板橋街 東黃板橋街

北旱門街 南接書院街 北達鎮江門

山街 長壽街 清權坊巷 俗名小平巷 洙泗街 按舊志名主司巷為元孫主司

常昭合志 卷之四 坊巷

主

居此故名 邵巷 明邵圭潔居此故名又俗名半野堂 陸家山街 梧樹街 陳家山

門 姚家街 祝家街 即今半巢居街

津梁附

常熟二縣城內合治橋

顯星橋 在縣東南宋慶元三年知縣孫應時建舊傳

在縣左灣灣橋 迎恩橋 在縣東南宋建中靖國元年道士李

學左灣灣橋 迎恩橋 則正建知木石為之明宏治九年知

縣楊子器修嘉靖六年知縣胡鳳易未以新橋 朱驥 文學橋

百十四年知縣沈宏彝重修明楊儀銘 在子游巷口俗呼醋庫橋宋慶歷五年錄事夏秀建明洪武

初里人陳貞重建嘉靖三十九年知縣黃嘉賓重修關其

左右而中為亭以休行者按圖經宋言偃橋在縣北一百五

十步文學橋在縣東北一里前志誤併二橋為一黃士毅銘

廣惠橋 在縣東北舊名通泰宋紹興間錢氏沂之少卿陳

民橋 在順民倉北明宏治盛稼橋 孝義橋

常熟縣城內橋 十年修俗呼倉橋 呼跨塘橋宋清熙十年

縣橋 在縣治前 虹橋 又名一學士橋 在縣治南舊名信義俗

知縣曾梁重建改名琴川明永樂十五年知縣傅良玉重修

金幼孜記宏治間學士李傑建坊於此改今名宋曹緯記

鎮橋 在縣治南宋慶元三 太平橋 因太平 焦家橋 舊名通

虹橋 俗呼洞橋 已上三 沈家橋 又名築 市曹橋 在沈家橋

司故 慶仙橋 昇仙橋 俗呼八字橋 迎仙橋 在昇仙 望仙橋

在迎仙橋南天順七年邑人顧仲 魚行橋 宋寶慶四年知

傑建四橋並以徐神翁昇仙故名 橋元至正 中和橋 寶慶橋 在城隍 金李菴橋 龔家橋

西黃板橋 范公橋 已上十四橋並 香花橋 在慧日 善利橋

其地舊和嘉橋 俗呼何 迴龍橋 廣義橋 舊名米糶橋二

多貨易 家橋 孩兒橋 黃柏橋 在市心 天心橋 金家

常昭合志 卷之四

津梁

圭

橋 包家橋 俞家橋 小洋子橋 在邵巷北 已上七 紅

板橋 保安橋 元至正間建 已上

昭文縣城內橋

廣濟橋 在小東 萬壽橋 郁家橋 顧家橋 在塔 香花橋 在

前言子橋 在文學橋北橋下僅通水道居民堆 通濟橋 俗呼

連福山塘 瞿橋 明宏治間知縣楊子器重修琴川志云舊志

通大江 有隱仙和風二名殆指此與通濟也二橋並

在縣 東何家橋 清和橋 二橋並在 滑石橋 在縣治 毛家橋

常熟二縣城外合治橋

在縣治 魚家橋 魚侃居此在 東黃板橋 在縣

常昭合志 卷之四

壽帶橋 高橋 李家橋 小東門水關橋 通河橋 陳

山涇石橋

常熟縣城外橋

范市高木橋 七星橋 儒浜積善橋 五丫涇高真堂橋

釣橋 南日承流 介福橋 在望海門外又名拱辰 永濟橋 在翼

外三里康熙五十九 豐樂橋 通舊南倉明宣德間縣丞李子

年建知縣陳守創記 惠南橋 近豐樂橋明嘉靖間知縣梁英建 練墩

縣甘澤修 萬歷間邑人嚴楠修改名知政

浜橋 去縣 徐涇橋 去縣 莫門塘橋 去縣 斜橋 去縣 照山橋 一

下斜橋明許 青州橋 魏涇橋 去縣 廟塘橋 去縣 吳塔橋 去縣

潭塘橋 去縣 顧涇塘橋 去縣 程稼橋 拂水橋 俱跨 湖橋 去

南承流門外官塘 殿橋 跨山 至長洲縣交界

十八里明宏治十一年知縣楊子器建崇正十一年邑人孫林修本朝康熙中邑人沈萬育重建橋西南隅當中秋時月出東山皎在水底而仰視無月蓋為橋所掩邑人以為勝景

沈店橋 去縣四十里 已上並在縣西秋報

門外 **濟民橋** 去縣二里明正統間巡撫侍郎周報慈橋 去縣三里茅塘橋 去縣十二里 已上

順民橋 去縣四里明宏治間巡撫居此俗呼 尚墅濟民橋 去縣八里 九浙橋 去縣十里 廣利橋 去縣十九里

李家橋 福民橋 去縣二十里 祿莊橋 去縣二十四里 崔浦橋 去縣五十里 已

門外 **黃土塘橋** 去縣三十里 張港涇橋 去縣六里 柴涇橋 羅墩橋 二

在尚 **永安橋** 在莫城南元延祐間建 孩兒橋 元至正 語濂涇

湖 **東橋** 在四十二都 東西湖涇橋 三塘橋 萬彙橋 萬緣

橋 已上在縣 東南村鎮 **馬涇橋** 妳婆橋 二橋在四 朱涇橋 明正統 張

常昭合志 卷之四 津梁 畫

公橋 宋寶慶 洞涇橋 明洪武 廟橋 明永樂 維新橋 碩望橋

香花橋 跨鎮廻瀾橋 新建 已上八橋 湯家橋 在二十

宣德 習善橋 俗呼黃 墅橋 今稱大義小義二橋去縣 讓塘橋

俗呼尚塘 坊橋 河陽橋 五橋在十二都 已 塘頭橋 去縣

橋 徐恪記 張墓橋 明嘉靖中副使范來賢建崇正間 洩水陸

里元延祐 間重建 邑人孫林重建乾隆間又重建 西洋

橋 已上並在縣 轉河橋 在福山鎮南 福山港大橋 舊有

港橋 奚浦港橋 黃泗浦港橋 已上並沿 渡

界涇關 在縣西南五十 里接無錫縣界 福山閘 在黃泥灣 本朝康熙

昭文縣城外橋 四十八年奉 旨建

釣橋 東曰行春元 迎春橋 在行春橋東元至正間知州盧鎮

改名 言港橋 港外通大江內接涌江橋 尖口橋 去縣四里 新橋 去

里 壽慈橋 去縣十五里 已上 廣嗣橋 即透成戊橋邑富

安橋 通舊東倉明宣德間縣丞李子廉建成 五瞿橋 去縣五

啟中邑人瞿懋業重建易木以石 虹橋 跨梅 前港橋 在二十

通海橋 琴川志云許浦過梅李鎮潮汐迅疾鎮橋 月河橋 明

政王鼎更 永慶橋 三橋在 鳳塘橋 在李 塘橋 在昆承湖 戈莊

橋 接昆 大陸涇橋 珍門橋 壽涇橋 在二十 東義橋 跨清

西義橋 跨避 長毫橋 陶公橋 二橋並明 楊塘橋 宋端平 江

門橋 宋淳祐 嚴舍橋 宋端平 天打石橋 在二十七都鎮立本

常昭合志 卷之四 津梁 妻

貴涇橋 在二十八都 任陽橋 去縣六 上社橋 去縣六十五里

東村 御渡橋 在支村以宋高 賀勝橋 在二十九都東接許浦

入寇左軍李寶駕樓船水戰 杏花橋 去縣七 黃涇橋 在三十

萬石橋 報恩橋 西虹橋 東虹橋 四橋在三 花橋 橫

瀝塘橋 二橋在三 平昌橋 在四十都元至 釋子石橋 興信

橋 與上橋相對 寶寶橋 三橋俱宋 四丫口橋 在四十 鹽鐵塘

橋 在口 長壽橋 湖漕橋 已上並在縣 葛墅橋 元至正 聚寶

橋 二橋在二 塢邱山橋 在二十四都明宣德 橫塘橋 在縣 白

茆港橋 舊塘橋 金涇港橋 唐浦港橋 高浦港橋

徐六涇橋 許浦港橋 干步涇橋 耿涇港橋 海洋塘

橋已上並沿
海各港

白茆渡 自鮎魚口至
海口名官渡

白茆閘 在李墓塘周涇口 本朝康熙二十年
巡撫慕天顏重修四十八年又修

常昭合志

卷之四

津梁

美

